

Flood somoi tae kuriboh/ nukoriboh khan

Flood nuha agotae

- Manu para kuwa khan sob nuhonibi, panic nukoribi. Stay calm.
- Mobile phone khan charged kuri khena rakhibi. Parathak SMS hei kuribi.
- Hawa pani kobor khan laga jankari khan pabo karoneh, radio, TV aru newspaper khan somoi tae poribi nahoileh sabi.
- Flood huisha koileh, apni survive kuriboh karoneh emergency kit ekta ponai khena rakhibi.
- Apni lagah documents aru saman bishi important khan toh pani para nibichiboh lagah bag tae rakhibi.
- Government lagah officials para kobor diya somoi tae cholti flood lagah jagah toh jari khena safe jagah tae jabi.
- Atleast ekk hapta karoneh nabakaikhena kaboleh aru biya nohuwa kha saman khan store kuri khena rakhibi.
- Flash flood huwa jagah khan like – canals, streams, drainage channels khan lagah osor tae nachabi.

Flood huwa somoi tae

- Flood huwa jagah tae kushi kushi nachabi. Ektum jableh huileh, chutah (footwear) thik lagai khena jabi.
- Sewerage lines, gutters, drains, culverts, etc. lagah osor tae nachabi.
- Electric wire/ post khan kiria jagah tae nachabi,
- Nullah/ manholes khan khulla takah khan toh mark kuri khena rakhibi, manu khan nikiriboh karoneh.
- Pani bishi jama huwa jagah tae nibirabi/ gari nucholabi. Apni khan mon tae rakhiboleh laghe ki, two feet pani jama huwa para gari pi luijaboleh chance ase.
- Sobji khan pal para pakai khena hei kabi nuhoileh dry food khan kabi. Kaluwa khan toh bon kuri khena rakhibi.
- Gah pani khan boil kuri khena kabi.
- Ghor osor khan tae disinfectant kuribi.

Flood huwa bichedeh

- Baccha khan toh flood huwa jagah tae kiliboh nidibi.
- Electrical sama biyah huwa khan check nukorikhena toh nuchobi.
- Electrical saman khan biccha khan toh nochobi, main switch toh bhon kuri khena hei ki kuriboh lei ase kuribi.
- Kha saman khan flood huwa jagah para utai khena nakabi.
- Mosquito net khan cholabi, malaria bimar nuhoboh karoneh.
- Flood huwa somoi tae snakes khan bishi hobo, apni khan hisab kuri khena hei birabi.
- Pani lagah/ sewage line khan biyah ase koileh, toilet/ tap lagah pani khan nuchalabi.
- Health Department para kobor nidhiya thak, tap water para pani khan ulai khena nakabi.

Apni khan evacuate kuriboh koileh

- Bisnah aru tables khan lagah opor tae saman khan toh utabi.
- Toilet lagah chenta aru nullah lagah chenta khan tae sandbags khan para bhon kuribi.
- Power aru gas connection khan bhon kuribi.
- Olop opor chaka/ shelter tae jabi.
- Emergency kit, first aid box, saman important aru documents khan apni logoh tae lui jabi.
- Pani olop deep takah khan tae toh jabo somoi tae khuri para pani lagah depth toh check kurikhena hei jabi.
- Official para kuwa bichedeh hei ghor tae return ahibi.
- Apni lagah family machotae communication plan ekta bonabi.
- Kunto saman aru jagah khan bichishe, sapha kurikhena disinfect kuribi.

Dos and Don'ts for Floods in Agriculture

Kuribo khan

- Guru aru janwar khan bi pani para luinachaboh karoneh sukah jagah ekta tae rakhibi.
- Janwar khan tae bi pani sapha kilabi.
- Apni lagah jagah tae hudai sal flood huileh, bijon goti khan toh etu lagah hisab tae hei lagabi.
- Flood huwa bichedeh, kheti para pani khan toh nullah ponai khena jaboh tebi.

- Flood bishi huwa jagah tae toh, mati olop opor jagah tae select kuribi aru community nursery bonabi. Khata tae baghijah bijon koti khan lagabi. Pani toh olop sukkah bichedeh, dhan toh transplant kuribi.
- Flood nuhua jagah tae, arhar/ sesame khan lagabi.
- Pani bishi kiriboh lagah kobor paileh, cholti dhan bakiaya khan toh harvest kurilobi aru pani para nibichia jagah tae rakibi.
- Dhan kheti olop hei biyah hoi jagah tae toh, $1/3^{\text{rd}}$ Nitrogen + 50% potassium toh top dressing kuribi hoilebi dhan toh tillering stage tae hei hobo laghe.
- Dhan khan flood para biya hoishe koileh, bijon kuti takheleh direct lagai tebi.
- Bijon kuti khan natakhele, cholti ekta arrangement kurilobi.
- Flood para biya huwa dhan khan tae, kheti tae pani olop komti huwa bichedeh, nitrogen fertilizer olop bishi talibi.

Nukoriboh khan

- Borokhon huwa somoi tae dhan katia bichedeh pahar tae narakibi.
- Flood huwa bichedeh pani toh bishi diri thak jama hobo nedhibi, roots khan puchichaboh aru bimari khan bishi hobo.